

Hic vestit Zephyrus florentes gramine ripas,
 FLORAQUE nectareis redimit caput ISIDIS herbis,
 Seligit ambrosios pulcherrima GRATIA flores,
 Contexit geminas CONCORDIA leta corollas,
 Extollitque suas tædas Hymeneus in altum.

Najades adificant thalamumque thorumque profundo,
 Stamine gemmato textum, pictisque columnis
 Undique fulgentem. Qualem nec Lydia Regi
 Extruxit Pelopi, nec tu Cleopatra marito.

Illic manubias cumulant, quas Brutus Achivis,
 Quas Brennus Græcis, rigidus Gurmundus Hibernis,
 Bundvica Romanis; claris Arthurius Anglis
 Eripuit, quicquid Scotis victricibus armis
 Abstulit Edwardus, virtusque Britannica Gallis.

Hauserat interea sperati conjugis ignes
 TAMA Catechlanum delabens montibus, illa
 Impatiens nescire thorum, nuptur aque gressus
 Accelerat, longique dies sibi stare videntur,
 Ambitiosa suum donec preponere nomen

* Tame.

Possit amatori. Quid non mortalia cogit
 Ambitio? notamque suo jam nomine villam
 Linqvit, Norrisis geminans salve, valete.
 Cernitur tandem Dorcestria prisca petiti
 Augurium latura thori, nunc TAMA resurgit
 Nexa comam spicis, trabea succincta virenti,
 Aurora superans digitos, vultumque Dionæ,
 Pestane non labra rosa, non lumina gemma,
 Lilia non aquant crines, non colla pruina.

Vtque fluit crines madidos in terga repellit,
 Reddit undanti legem formamque capillo,
 En subito frontem placidis è fluctibus ISIS

Effert, toris adios spargentia campis
 Aurea stillanti resplendent lumina vultu,
 Iungit optate nunc oscula plurima TAMÆ,
 Mutuaque explicitis innectunt colla lacertis,
 Oscula mille sonant, connexu brachia pallent,
 Labra ligant animos: tandem descenditur una

In thalamum, quo juncta FIDE CONCORDIA sancta,
 Splendida conceptis sancit connubia verbis.
 Undique multifori strepitat nunc tibia buxi,
 Flucticola Nympha, Dryades, Satyrique petulci

In numeros circum ludunt, ducuntque choreas,
 Dum pede concutiunt alterno gramina leti.
 Permulcent volucres sylvas modulamine passim,
 Certatimque sonat letum reparabilis ECHO.

Omnia nunc rident, campi letantur, AMORES
 Frenatis plaudunt avibus per inania vecti:
 Personat cythara quicquid videre priores
 Pronuba victura lauro velata BRITONA

Hec canit ut toto diducta BRITANNIA mundo
 Cum victor rupes dirulerit æquore Nereus,
 Et cur Neptuni lapidosa grandine natum
 Albionem vicit nostras delatus in oras
 Hercules illimes libatus Thamisis undas,
 Quas huc adveniens aras sacravit Ulysses,
 Vtque Corineo Brutus comitatus Achate
 Occiduos adiit tractus, ut Casar anhelus
 Territa questis ostendit terga Britannis, &c.

Paucisque interjectis verficulis,
 Dixerat, unito consurgit unus amore
 Latior exultans nunc nomine TAMISIS uno,
 Oceanumque patrem querens jactantior undas
 Promovet.

Benson.

Hinc Tamisis Benson, olim Bensington adit, quam
 Villam Regiam vocat Marianus, proditque Ceau-
 linum eam Britannis anno salutis D LXXII abf-
 Britannia.

tulisse, Occidentalesque Saxones ad ducentesi-
 mum inde annum tenuisse. Tunc enim Offa
 Mercius in rem famamque suam arbitratus ut il-
 li nihil cis flumen haberent, expugnavit, sui que
 juris fecit. Hodie vero tantum viculus censetur,
 vicinasque habet regias ædes quondam elegan-
 tes, nunc vero nimio plus fatiscetes, utique
 minus salubres ob halitus stagni adjuncti. Has
 ab ulmis Ewelme, vulgo New-elme dictas, quas con-
 struxit Guilielmus De la Pole Suffolciæ Dux, qui
 accepta in uxorem Alicia unica Thomæ Chau-
 cერი filia, amplissimam hic hæreditatem crevit,
 & præter has ædes, ecclesiam etiam elegantem,
 in qua Alicia illa sepulta jacet & Xenodochium
 nitidum extruxit: verum Ioannes Lincolnæ
 Comes ejus è filio Ioanne nepos hujus familiae
 felicitatem funditus quodammodo evertit.
 Dum enim res novas contra Henricum Septi-
 mum moliretur, proscriptus omnibus honori-
 bus & his possessionibus excidit, quæ in patri-
 monium Regium transcriptæ, statimque ille in
 prælio occubuit. Postea Henricus Octavus has in
 Honorem instituit Maneris quibusdam adjunctis,
 & inter alia Wallengfordia, quæ prius ad Cornubiæ
 Duces diu spectaverat.

Hinc magno circumducto ambitu Tamisis in
 se fere reflectitur, Centuriam de Henley amplexus
 collibus surgentem, & sylvis densiorem, quam
 ANCALITES tenuisse, qui se in Cæsaris fidem per-
 miserunt, suspicantur nonnulli. In hac sunt Greies
 Rotherfeld ædes quas quondam Walterus Grey Ar-
 chiepiscopus Eboracensis Guilielmo Grey nepoti
 dono dedit, cujus hæreditas per Baronem de
 D'incourt ad Lovellos devoluta fuit. Nunc habita-
 tio est Guilielmi Knolles Aulæ regiae Thesaurarii,
 quem Rex noster Iacobus titulo & honore Baro-
 nis Knolles de Rotherfeld ob fidelem operam Regi-
 næ Elizabethæ præstitam, & sibi præstandam
 exornavit. Iuxta Henley, olim Hanleganz ad Tami-
 sim in ipso Comitatu confinio se ostendit, cu-
 jus incolæ maximam partem navicularii subve-
 hendo Londinum ligno, & distrahendo frumen-
 to quæstum præcipuum faciunt; nec antiquiora
 commemorat, quam quod Molinios Dominos o-
 lim habuit, à quibus per Hungerfordos, qui dua-
 rum Nundinarum jus oppido ab Henrico VI
 impetrarunt, ad illustrissimam Hastingsorum fami-
 liam hæreditario devenit. Qua vero Tamisis sub
 hoc nunc sublicio ponte conjungitur, olim saxe-
 um fuisse arcuato opere ferunt. An vero hic fue-
 rit pons ille per quem Dio meminit Romanos
 transisse, cum Britannos hoc tractu insequeren-
 tur, qui inferius flumen tranavissent, non facile
 quis dixerit.

Ab Henley colles Chilternici perpetuo dorso in
 Aquilonem procurunt, & Oxoniensem hunc
 agrum à Buchingamiensi determinant, ad quo-
 rum radices plura subsunt oppidula, inter quæ
 notissima sunt Watlington Mercatus tenuis, olim
 Roberti D'Oly, & Shirburne quondam Quatromano-
 rum castellulum, nunc vero Chamberlanorum sedes,
 è Tankervillæ Comitum familia, qui cum olim
 Normanniæ Camerarii fuissent, eorum posterii,
 prisco illo nomine Tankervillorum oblitterato,
 Chamberlani, id est, Camerarii, ex munere quod
 majores obierunt, nominati fuerunt.